

# Te Itita ae e na Uringaki



**Iroun Alelie Coronel-Camitan**  
(E boboto i aon te karaki ae koaua)

*E riki te karaki aei i Finland.*

**E**ngarengare Jonas ngkai e kabo birimwaaka ma tarina nakon te ruu ni katangaina ni mweengana ibukin te kai n utu n te tairiki. E teimatoa n aroka boin te tiibu ae umunaki ae kangkang n te katairiki n tain te Itita. Ao e kona n teimatoa ni katoonga te pasha ae karewerewe, ni katein aia Itita n te taonanimwi.

I mwiin tekatekaia n aki karongoao te utu, e teiraki, tarin Jonas are te ikawai ae Tristan.

“Kukurei n te Itita!” E taku Tristan. E waakina aia kainutu ni mweengaia n te tairiki ma te anene ao te tataro. I mwiina e a roko tain aia burokuraem n te anene ae onoti. A tia ni katauraao te kuna ae a na tibwaiian taekan Iesu Kristo.

E katang kitaa Tristan, e karaua ni katanga karaina nako te kitaa ni waebuan baina. I mwiina e katanga te biano tarina ae Einar. A kakamwakuri tabonibaina i aona. Tinana, Tamana ao tarin Jonas ake tabeman a katanga naba kunaia. E kan ongongora Jonas aia katangitang ana utu.

N tokin te tai ai ana tai Jonas. E ikerake ni karina angina ao e a waaki n anene.

“Tai taai aika I kaririaki iai bwa N na karaoi rinerine aika kairua, ma I kataia ni kakauongo ngkai e wirikiriki te bwana ae uarereke, ‘kam na Itangitangiri n aron ae tangiri ngkami Iesu.’”\*

Inanon ana tai n anene Jonas, e kaonaki nanona n te tangira. A onrake matana n rannimata ni kukurei. Ai aron ae e tuanga Jonas te Tamnei ae Raioiroi bwa a tangiriira Tamara are i Karawa ao Iesu.

“Kam rarabwa ni kabane ibukin tibwauaan ami tarena,” e taetae te Tamaia. E taua i eta te tamnei. E kaota tamenin Iesu Kristo ni katorobubua ao n tataro irarikin te aroka. “Antai ae atagia bwa tera ae riki n te tamnei aei?”

E katea baina Jonas. “E tataro Iesu i Ketetemwane.” E katoutoua atuuna Tamana. “Eng. Anne te tai are e namakina iai marakira ni kabane ma rawawatara.”

**Pasha bon te amwarake ae te katitati ae karewerewe ae te taonanimwi. Iai am taonanimwi n te Itita ae ko kakanna ni katoa ririki?**

\*“I’m Trying to Be like Jesus” (Aia Boki n Anene Ataei, 78)

“E nakon te Onaroka are i Keketemwane i mwain ae E mate,” e taku Tinaia. “I mwiin matena, E a manga uti. Aio bon mwakoron ni kabane Ana Mwakuri ni Kamaiu. E karaoi ni kabane aikai Iesu ibukina bwa E tangiriira.”

E kamaiua Tinau te witeo ni kaota te moan Itita. Ngke e moti te tamnei, a bane n aki karongoao n te tai ae uarereke. E a manga namakina naba aia tangira Tamara are i Karawa ao Iesu Kristo Jonas.

“Ngkai ai bon tain ara waaki ni kakukurei?” E titiraki Jonas.

E teirake Tinana man ana kaintekateka ao e nakon te kaebineti. “Eng! Jonas, ko kona n buokai?”

A kaotinakoa te kanim, te tati, ao bwariko ni beebwa n ana maekatiin te Ekaretia Jonas ao tinana. A kamaenakoi i aon te timanti. I mwiina e katoaia n anganiia aia tienoo ae onoti ibukin te Itita Tinaia. “Ti na karaoa tamnein Iesu Kristo i nanon ara tienoo ibukin te Itita.”

E tekateka Jonas iaon te timanti ao e kauka ana boki ni koroboki.

E anaa ana been Tamaia bwa e na koroboki n ana tienoo. “Irarikin ami tamnei, kam na korea te bwai ae kam na karaoa n iriira Tamara are i Karawa ao Iesu bwa kam aonga ni kona n riki n ai aroia.”

E raibaea teuana te maekatiin Jonas. E kunea tamnein Iesu Kristo ngke e wiingare.

E korea ni kanakoa Jonas ao e kanimmwa i nuukan baan ana tienoo. E iangoa taekan te tangira ni kabane ake e a tia n namakin mai iroun te Tia Kamaiu n te bong arei. Imwiina e koreaia, “N na iriira Tamara are i Karawa ao Iesu n ongongo irouia Tamau ao Tinau ao n ibuobuoki n taian mwakuri nako. N na tatangiriira riki tariu.” E taua i eta ni kaotia nakon Tinana. E wareka te bwai are e koreaia tinana ao e moangare.

E na bon ururinga te Itita aio Jonas n te tai ae maan. E namakina ana tangira Iesu Kristo ngkana e anene ao e reiakina rongorongona. Ao e namakina ana tangira Iesu ngkai e kataia n riki n ai Arona.

A bon rangi n tangira Jonas Tamara are i Karawa ao Iesu Kristo. Ao e tatangiriira naba Jonas. ●



KAMATAA NI TE TAMNEI IROUN STELYANA DONEVA